

巢

經

巢

詩

集

序

聖門以詩教而後儒者多不言遂起嚴羽別材別趣非
關書理之論由之而弊競出於浮薄不根而流僻邪散
之音作而詩道荒矣夫儒者力有不暇性有不近則有
矣而古今所稱聖於詩大宗於詩有不儒行絕特破萬
卷理萬物而能者邪吾友鄭君子尹自弱冠後即一意
文字聲詰守 本朝大師家法以治經於前輩述作變
其補苴筭人罅漏者多又病其或不免雜博橫決乃復
徧綜洛閩遺言精研身攷以求此心之安靜涵以天地
時物變化之妙切證諸世態古今升降之故久之渙然

於中乃有確乎不可拔者其於諸經疑義抉摘幽通及
小學家書經發明者已成若干編而才力贍裕濫而爲
詩對客揮毫雋偉宏肆見者詫爲講學家所未有而要
其橫驅側出卒於大道無所抵牾則又非真講學人不
能爲彼持別材別趣取一字一句較工拙者安足以語
此哉子尹長友芝五歲友芝兄事之自廿年前友芝侍
先君遵義郡學子尹居東八十里樂安溪上每以秘冊
互假寫勘時常往來丁酉以後春官奔走郡乘牽絆兩
人共晨夕尤夥至辛丑先君見背即卜兆樂安溪上青
田山復結廬其閒以近吾子尹也計訂交到今且三十

年雖中間飢驅離索不常合并而靡不以學行文章相
確砥而子尹事事精銳對之使人氣餒即如爲詩若非
所甚留意良辰朋酒常不自揣力操旗鼓而與之角往
往脈張筋急不能自如而子尹率然應之其要害曲折
轉益洞快人之學問才力真不可強乃如此友芝即戲
謂曰論吾子平生著述經訓第一文筆第二歌詩第三
而惟詩爲易見才將恐他日流傳轉歷兩端耳子尹固
漫頷之而不肯以詩人自居當其興到頃刻千言無所
感觸或經時不作一字又脫稿不自收拾子弟鈔存十
之三四而已而其盤盤之氣熊熊之光瀏澌頓挫不主

故常以視近世日程月課植釀篇牘自張風雅者其貴
賤何如也今歲春初友芝過望山作上元乃把酒慨然
曰吾輩俱老大所學既不見於用計無復長進而數十
年心力所寄不忍弄置將次第厄梨棗取當世通人是
非焉憶吾子昔者漫有右小詩語姑以先之唯吾子爲
我序輒書其學術根柢所以能昌此詩者以諗觀者他
不具論也咸豐二年夏五月獨山莫友芝

序

詩言其志而已矣志者不可僞爲志之所向情洩之辭
宣之乃始有聲有貌數者不備不可爲詩然數者未也
以志爲其本夫詩無僞詩之有僞則馳情溺辭繁聲飾
貌者爲之也古之賢聖竒傑忠孝大節之人不皆爲詩
及其爲詩亦無所假於數者而自足以格神元昭日月
彼之志固宜有是若夫學士大夫之從事於詩則亦有
道矣道安在在範其志志有廣狹高卑善範者植之以
仁義秉之以禮度履之以忠信廉潔而又覃思專精必
在經訓則志益廣且高然後發諸詩者達吾之胸臆悲

愉喜愠無所緣飾矯揉其閒包絡三才經緯萬端壯者
鏘金石幽者窮要眇上儕之古人而無齷下質之千百
世而悲愉喜愠若覲面敷衽披露肝肺無不盡者此惟
善範其志乃能有是吾讀播州鄭君子尹詩而善之子
尹居貧尙孤介仕卑官無怨尤躬行孝弟惻隱民物其
學深博精核無所不綜尤好治經研究於康成叔重而
折衷以閩洛之說至其爲詩則削凡鄙猥揆詣奧曠淪
靈思於赤水之淵而拔雋骨於埃壙之表不規規肖仿
古人自無不與之合余未識子尹讀子尹詩悲愉喜愠
如見子尹焉進而求之則藹然者仁義也秩然者禮度

也較然者忠信廉潔也其宗主又不離六經甚矣子尹能範其志非若他人沾沾情辭聲貌可以僞爲者也唐子方方伯者子尹鄉人也道子尹意欲余序之余無當於知言然自謂能言子尹之詩之志遂書所見浼方伯貽諸子尹咸豐四年歲在甲寅新正人日監利王柏心

序

往時歛縣程侍郎以博聞強識受

成廟特達之知負海內重望天下能文章之士鱗萃其門侍郎嘗典試嶺南所得士如番禺儀克中陳澧長樂溫訓皆有時名先後與余定交京師儀君工詩精攷據愔早世不竟其所學陳君天才雄駿於書靡不窺近乃服膺許鄭溫君治古文辭力摹韓柳於近人不亞憚子居此三人者皆侍郎高第弟子然皆弗能爲侍郎之文其能爲侍郎之文者遵義鄭子尹一人而已子尹故侍郎視學黔中時所矜賞者也其爲人坦白簡易粹然儒

者生平研精三禮習聞古宮室冠服之制通聲均訓故
之學爲文章古澀奧衍大率如先秦以上諸子汲冢墜
簡兩漢碑版文字及馬第伯封禪記之屬腐儒小生讀
之或至口鉗舌橋實則真氣流貫非類爲魁紀公家言
者及讀其母教錄卽又悱惻沉摯似震川先妣事略項
脊軒記諸篇羊質善變幾無以測吾子尹也古近體詩
簡穆深凜時見才氣亦有風致其在詩派於蘇黃爲近
要之才從學出情以性鎔蓋於侍郎之文爲具體矣黔
中惟子尹與莫孝廉友芝張副貢琚黎訓導兆勛傅孝
廉景數人爲能肆力於古而子尹所造尤深足稱經師

祭酒詞壇老宿今年刻其詩九卷經說一卷求序於余
余嘗親奉程侍郎之教數得追陪末坐上下其議論今
觀子尹之詩文知淵源所自波瀾莫二故爲序其學之
所自出以諭世之讀子尹文者咸豐二年八月望日常
熟翁同書

巢經巢詩集目錄

卷第一

古今詩共四十二首

卷第二

古今詩共五十一首

卷第三

古今詩共七十首

卷第四

古今詩共五十七首

卷第五

古今詩共五十二首

卷第六

古今詩共六十七首

卷第七

古今詩共五十八首

卷第八

古今詩共五十二首

卷第九

古今詩共四十三首

巢經巢詩集卷第一

遵義 鄭 珍 子尹

古今詩共四十二首

夜深誦了聖涼

巳下丙戌

天外一鉤月晚風吹到門
開窗上鐙幌涼意幽無痕
展誦四五卷爐火餘溫磨
舉頭不見月知歸何處邨
惟聞溪水西時時犬聲喧
緩步肆閒徹披衣聖籬根
不覺花上露盈盈浩已無
此趣誰共領欲說都忘言

闌干曲

缸僻沉沉霜入影博山雲
斲金虬冷嫦娥袖薄雙臂
寒

夜長軟抱梅花頸玉臺紫霧荒荒閒翡翠珊瑚含木難
茗華姊妹又千載當年暗記紅闌干擣齧破臼種荼子
待看黃人貼天死月查高挂九枝鐙却教誰指秋河水
蘭葉蕭蕭泣露涼芙蓉花覆黃鴛鴦檀槽不伴玉笛老
手把靈犀到天曉

讀始皇本紀

嬴政信橫絕惡極福有餘蘭池盜空窘投筑身轉誅荆
卿好匕首引堪偏絕裾愴哉博浪椎又誤傷副車匪獨
人力窮神亦難剗除英娥鼓怒颺不能溺獨夫轉令湘
山樹見赭干刑徒此中有天意掩卷徒長吁

芝女周歲

巳下丁亥

憶我去年春二月初四吉將就禮部試束裝指京室酸
懷汝祖母不忍見子別倚槽飼公豚淚俯彘盤抹此時
汝小蠢尙是混沌物艱苦徒萬里無才分宜黜豈知出
門後慈念益悲切前阡桂之樹朝暮指就齧子身向北
行毋目望南咽旁人強歡慰止令增感怛所幸越七日
先生爾如達半百甫爲祖忻怵那可說乃令念兒心漸
爲抱孫奪吁嗟賴有此不爾得今日生女信爲好比鄰
不遠出爲紀晬盤詩悲忻共填結

君山二妃寺

山竹斑斑淚已枯，寺門猶自向蒼梧。
老僧話罷當年事，龍鳥歸來風滿湖。

東湖

東湖山皆似君山，秀髻鬅螺相抱環。
人住四圍淺竹裏，鳥呼一碧低松間。
晚鐘出谷何處寺，落日耕雲誰氏田。
聽唱樵歌入林去，思欲從之煙渺然。

發武陵

目送南船去，含懷內暗傷。
此歸仍廿日，遠別更三湘。
浩蕩湖山濶，漂零歲月忙。
主人能送別，何事亦悲涼。

柬別同年蕭芝水

品三

甘子園

叵奈苦風愁鄭判不能微雨過蘇端情懷祇覺向人盡
離別須知對面難渺渺湘流仍獨去蕭蕭嶽麓悵回看
來年待我春冰泮共爾浯溪買釣竿

同黃小谷

家達

登雙清亭

己下戊子

奔山東南來蜿蜒欲度水資邵不相讓并力遏之止怒
石峭林立巉撐兀熊兕危礎出絕壁飛甍影潭底下眩
深渦回前俯古塔峙孤雲挂厓樹漁艇懸沙觜萬柳暗
江天千帆隱城雉遐邇豁睇矚洵哉茲亭美同游癡翁
後揮酒亦莫比請爲卧游計畫稿吾先擬

邵陵道中

雨過春山疊黛橫嫩林新綠夕陽明晚來風味濃於酒
添起田蛙閣閣聲

永州廿三初度

零陵天下幽奇處中度生朝發興多袞渴紛紅思柳子

淡山新綠憶涪僮似渠剛歲求鴻博

子厚年二十四正求試博學鴻詞

我今時過蔣羅

山谷以崇寧甲申三月至永州過蔣彥回玉芝園又到愚溪過羅氏脩竹園皆

有暗數年華計才德一分不到欲如何

涪溪游

朝別柳司馬暮拜元道州漱齒寒泉水濯足清湘流春
風繫船好晴日拊髀躍入涪溪游涪溪何在在湘澣勝

游未易更僕數初緣苔磴踏莎行碧塵裏煙濃楚楚戶
以石門環以橋隔闕其內渺無覩度橋而南忽異常千
章嫩蓋蒙堂隍幽颺澹靄落香雨綠雲墮地山皆涼中
有次山舊日樟枝所到處天無光扶夾小峰欲上翔若
翼伏卵若佩囊唐亭紫栢出峰頂下視乃在枝閒藏由
樟西行百餘尺摩厓陰風動心魄三百六十生鐵虬影
寫江天光照壁墨精闕久走殊怪至今柳印壓手擘前
剛亦有中興頌在顏書右三丈許水中一厓上姓字誰某漫莫識瞿家
玉筋臨厓東鮫胎老皮嵌紫茸載毛蝟繭四衛護不許
摩塌傷其鋒皤書顛筆接不暇足直目眩成老翁一羣

乳虎阻去路

謂小
晤臺

手擘寸線回盤中繡沓羅蒙罩雲麓

驚入洞房睡初足春流溪水花溶溶滿耳丁當漱寒玉
峭石疊起珊瑚枝鐵網槎枒瘦無肉紅亭鼎峙上下石
萬顆斜陽點丹綵出最上亭鈔厥旁乃登晤臺顛中央
天置橙榻不礮琢廣脩可聖百人強臺脣窠尊古薜鏤
尊底萬丈浮清湘尊中凝脂白如霜疑是元子殘酒漿
此時傲氣橫八極又腹大卧望昊蒼不覺今古入竒懷
風雷擺宕蟣蝨腸笑向雲中數招手拍拍窠尊叫聲叟
何必相逢孟武昌始汎杯湖一樽酒當日能醜死阿廢
醜卽昏次山劍乃見天王下殿走感時憂國頌嗣皇事
此字謚隋煬帝

有至難寓忠厚文章經濟付一漫山水傷心旌吾有黃
雲動地悲風來同游者子皆歸哉右堂書鬼轉清嘯舊
居空見高墳堆小子不知獨何事幽蘭暗結紅玫瑰

柳之蟲次程春海

恩澤

先生韻

柳州校士地乃爲蟲沙國子孫結千億與人爭頽宅形
比肌蝮小足亞馬蚊百繚礎據地屬蜿垣出戶闕竟日
俯仰閒跂跂而脈脈聖立左右顧審器後飲食時或墜
科頭蠕動忽呀赫夜來最恐懼屢屢入牀簣可憐僕蟲
長生受蠢動厄聖王除狸物赤友有專職則此蠖行者
戮盡理亦得孔子作春秋斧鉞甚嚴嚴螽蜚不爲災且

不書於策此非能毒螫異虺與杜白罪但形可畏咄咄
逼人側其徵誰使然大蠹實磨責之蟲又何知而代伏
誅亟驅之使遠去物我庶兩適薰以硫雄煙助以木艾
力更以蜃灰水洒彼屋與隙水乾煙亦消依舊綠四壁
百蟲羸將軍無乃故使迫莫侮周郎少請從赤壁役

五蓋山硯石歌贈曾石友

鉉刺史并序

郴州東五蓋山顛大瀆下石乃硯材人不識屈爲
磨石友見而異之身鑿山取琢硯謂勝端溪下巖
余過郴持示一片果堅潤發墨因歌以贈之

斧柯腹爛老龍死碧瞳破地走龍子神淵自樵北僻鑰

埜石踴騰壓珠市暗湖濱
瀆踰嶺南畢弗凸透五蓋山
雷礮電礮蓄蟾鶴白虎固抱黃睛眈鳴劓咽勦墮臧穀
夜半無人玉靈哭冤精耿耿射城譙摘巖冠拜郴州牧
老夔晝駢不及聞尅遣持節卽墨軍溫肌膩乳暈光澤
狡獬骨軟攙香雲黯澹灘頭鳳皇殼是君席閒同鄉友
忍使怨缺作附庸石卽能言杜其口綠珠端捧當簾鉤
紅蕉氣韻纖荀修小湘山鬼碎黃褐偷覷欲攫投大幽
琦瓌乃挺荒遐地壯夫空識數丁字斬臆剝絡始見材
漢底深囚豈天意異時請看巖戶集郴人笑歌端人泣
不見宏農陶家兒至今配食陳公密

游北湖懷昌黎公湖在郴州北郭外周廣可四
十里今皆爲稻田矣去年程春海先生屬刺史
惠安曾鉅於道側蓄一池祠昌黎於其上

秧鍼麥浪水縈渠山斗蒼茫落照餘湖地四邊今叱犢
昔年中夜此又魚長船大炬無畱影斗碩波瀾有別瀦
悵對滄桑憶三穀暮煙冪冪久踟躕

經耒陽

青蓮葬屍魚腹裏少陵復作飢死鬼可笑亘古兩詩人
死亦古今絕無比劉昫小儒不足責余意端嗤宋公子
阻水一篇豈未見荒唐亦復沿舊史悲哉此老入暮年

君民淚盡江湘沚稷契功名付浩歎老醜向人嗟可耻
新知濟濟徧海內寒暄不救溝壑死牛肉白酒致荒江
快噉苦覺人情美豈知賢令好禮數後人願將鳩毒視
嗟嗟忌刻實天意巨妄誣賢小者耳君不見東山太白
女無歸宗武湖湘爲乞兒

游石鼓書院次昌黎合江亭元韻

輕舟發衡邑風日不相左石鼓郭北外卽之在一唾白
鹿四講院此足作輔佐更值江山勝萬金豈能貨右俯
湘波清左看蒸流過破地挿水會齒萃氣不捭幽亭恣
游目欲倡寡余和闌砌忽西日竹影來箇箇我生骨少

媚所如輒坎珂小住苟爲佳便懷卜終卧此地經唐賢

誅茆展嚴課朱張繼文會瞻望歧無奈

地爲唐李寬讀書故址宋朱子

與南軒講學處

草木猶餘馨而何靳頑懦恭讀晦翁書語若親

告播

朱子書脫去凡近以游高朋勿爲嬰兒之狀而有大人之志勿爲終身之謀而有天下之慮勿求人

知而求天知勿求同俗而求同理四十八字石刻尙存

丈夫甯不然誰能拔寒餓

自撫事畜身長愁貧鬼賀安卽脫嬰狀巖栖振竅惰藉

騁半日樂思復一餉堊山靈逼客行岸陰結難破下舟

獨回望已覺斗塵宛

醴陵坡謁蔡忠烈公

道憲墓

誰似先生少成仁鼎沸時

公死時年二十九

磔身無李芾裹葬

有句卑

賊可疎公慕卒凌國
俊叢葬之亦自繼

穹昊心難轉英雄淚暗垂

卽今瞻墓道松柏尙含悲

畱別程春海先生

我讀先生古體詩蟠虬咆熊生蛟螭我讀先生古文詞
商敦夏卣周尊彝其中涵納非涔蹄若涉大水無津涯
搗爛經子作醢鸞一串貫自軒與羲下訖宋元靡參差
當厥興酣落筆時峭者拗者曠者馳宏肆而奧者相隨
譬鐵勃盧鐵疾藜夏摩搗擦爭撐持不襲舊壘殘旄麾
中軍特創爲魚麗此道不振知何時遂爾疲茶及今茲
學語小兒強喔咿雕章繪句何卑卑雞林旨賈爲所欺

傳觀過市羣夥頤厚顏亦自居不疑閒有大黠奮厥衰
鼎未及扛臄已危其腹不果則力贏其氣不盛則聲雌
固宜宛轉呻念尸非病夸毗卽戚施黃鍾一振立起痿
偉哉夫子文章醫當今山斗非公誰種我門牆籓以籬
擁腫卷曲難爲枝絡之荆南驅使駢野馬復不受羶羶
錫我美字令我睇以鄉先哲尹公期無雙叔重公是推
道真北學南變夸此豈脆質能攀追敬再拜受請力之
頭童牙豁或庶幾槐黃催人作叢巖定王城下離舟維
春風冬雪慣因依出送撫背莫涕揮東流淙淙識所歸
有質賣田趨洛師

送王香杜 金策 歸諸城

仕路嶮巖莫復陳東齊歸客舊詞臣
達官大要非奇士南國從來泣美人
誓墓文章終憤俗藏鐙性癖頗愁親
香杜讀書達旦爲常白魚青笏平安到書疏無忘寄子眞

宿喬口柬同幕諸君

悵然釋帆去望望長沙遠湘水更深綠
日沒汀洲晚昨夕桐華陰今宵未應損
離羣忽百里因風寄繾綣

酷熱吟

爪上流汗珠髮梢生炎風歛氣攝人髓
有聲來烘烘瘦蛟叫沉潭波心吟老龍
江鬼走陰髀哭死西日紅龍女

四五人偏肩采芙蓉眷言攜我手擘浪還珠宮聖之水
晶牀映以珊瑚櫂回憶人閒世清涼迥不同

清浪灘

清浪四十里獨以惡石勝上如刀山立怒挺索人命下
藏萬千劍欲刺暗中刃一刻失要害立見頭腹迸舟子
八牛力經過最勇慎使篙無空著目到手卽應奪人出
龍腸拚身陷堅陣神使啞啞叫乃賀脫窰阱旁岸數十
家橫舟日伺偵但祝估船沉攘貨一呼進恃此聞有年
頽蒨尙懸磬

夜江濯足

涼颼動煙渚淨魄生夕林浣衣人獨歸餘情含空砧
墜濯雙白趺眞懷仍在襟微浪蹙細沙沙乾浪旋侵不見
白石郎誰見沙浪心何意孺子歌但爲濁水吟

步出東林

撼撼樹聲響滿山黃葉飛一雙白蝴蝶隨我下翠微獨
往竹西路聖觀总是非

正月陪黎雪樓恂舅游碧霄洞

巳下巳丑

黃螾翻劫波誤落荒服外睚眦恚五嶽中原各尊大胸
蓄不分涎要唾盡始快日月不照灼深閻神鬼怪吐洩
奪造化掬鍊鼓橐鞬天動九地裂頓闢一世界雷電下

搥撼投楔卻奔潰面帝彈不法情天轉嫪變顧畱與遐
土廣彼耳目隘不計數萬載莫能啟鑄秘始見此誰子
厯死者應再十年詫靈境寤寐騁神軼宿糧得阿舅攜
小妹共載給訝見巨口俯矚嚇焉退定魂下窻窺窳窳
半明晦一聲欬嘯呼響砰磅礚礚非雷而非霆隱隱猗猗
礚會舉蘊照噴峒廣容數萬輩耿耿深厦中具千百狀
態大孔雀迦陵寶瓔珞幢蓋鐘鼓干羽帔又杵臼磨磑
虎獅並犀象舞盾劍旌旆礎楹焚藻井釜登豆醢醢更
龜鼈蠃蟾及搗礪熬鎧厥仙佛菩薩拱立聖跪拜擣籛
條戚施與尪瞽兀癩倒茄垂瓜盧懸人頭肝肺盤杆閒

橙榻可以卧與醜人世盡織末悉備控壑內黠哉山之
靈乃逞茲狡獪殘寶與剩穴得一卽勝槩視區區諸洞
實不直蒂芥如何老窮僻似爲地所畫元柳目未經陶
謝屐不逮焉能驅夸娥徒安行窩背持壺走大暑壑谷
指公在移山空浩然發我惜竒慨試假生鐵筆爲爾破
荒昧後來應有人咄喑同感喟

閒庭

閒庭貪久堊風色靜沉沉明月來溪夜低星閣遠林魚
龍吹霧影貓犬共花陰興愜塵囂外憑柯起浩吟

安步

安步踏暄陽松岡更柳塘溪山爲我好花鳥使春忙欲
就觀垂釣因行過石梁問魚渾不應心跡兩茫茫

曉行溪上喜而吟

昨午點滴不成霽入夜風雨擡山來朝看遠水白於鶴
天垂野淨無塵埃榭葉緣邨膩沒縫麥穗壓壠青成堆
誰潑遙林十斛黛樹肥綠重山欲頹未聞雄鳩喚逐婦
尙見嶺雲黏不開雨脚肯愁未斲絕土膏正賴勤滋培
去年眼不識冰雪沃畚坼兆生草萊開歲屢得三日雨
天公亦閔黎農灾破田歷適不保澤水至立涸真可哀
卽今春序就垂盡布種無地甯論栽田家望望急如火

一雨喜徧叟及孩短後晨披不待沐攜犁荷杷衣蓑臺
上田翻車響犂角低隴叱犢聲喧厓山人亦出行盤徊
沾衣濕屨踏岸苔天氣陰陰雜花遠曉寒嫩嫩溪風回
人煙稍出苦竹外漁艇暗度青厓隈顧怪水輪昨何澁
此日速似千手推皇天助人在俄頃欲任智力嗟難哉
不知百鳥作何語似訴中夜厄雨雷吾得豐年爾亦飽
爾曹莫怨翎翎摧

閒眺

雨過桑麻長晴光滿綠田人行蠶豆外蝶度菜花前臺
笠家家餉比鄰處處煙歡聲同好語鍼水曬秧天

播州秧馬歌

并序

吾鄉治秧田刈戎菽等密布田內用秧馬踐入泥
俟爛則播種其力倍於糞且不蠹秧馬制以縱木
二爲端齒四橫長倍廣下刃殺令上面平如足榻
狀底如四履齒用柔條一或繩貫兩端爲系高接
手踏時足各履一馬手提系摘行莖葉上深陷之
甚便且速爲歌一篇俟後譜農器者採焉

穀雨方來雨如絲春聲布穀還駕犁斬青殺綠糞秧畦
蕪菁荏菽鋪高低層層密密若卧梯外人顧此頗見疑
足春手築無乃疲我有二馬君未知無腹無尾無扼題

廣背方坦健骨支四蹄銳削牡齒齊踏背立乘穩不危
雙韁在手左右持馬首北向人首西橫行有如躡爬泥
前馬住足後馬提後馬方到前又移前不舉後後不蹄
轉頭前者復後馳人在馬上搖搖而蹊田遠過牽牛蹊
絕似軟屐行蕨藜柳陰饋饑媚且依木驪對卧不解飢
晚風搖波蹙水臍居然刷洗臨清溪他日更借人乘之
踏花小郎黃驄嘶下鞍雨髀紅胭脂豈知老子糞種時
一足各有一馬騎終身腳板無癢胝

釣

避暑巧成釣脫喧翻怪幽水風長在竹鳥影不驚鉤欲

舉却仍住將移還更投此心隨物付得失盡悠悠

驟雨

雲氣速於猿奔空陣馬逃樹隨山影失雨覆夕陽高萬
手投籌箸千夫振棘鼓已看天宇碧餘點尙飄騷

夜歸

檢閱不知晚歸襟赴夕涼流螢低共路漁火遠分光斲
續林風細微苾草露香近籬無犬吠鐙月護山房

高齋

高齋開戶牖佳日得晴暄風定瓶花落雲來硯氣昏牧
牛溪上路迎虎社邊邨聖領山林趣潛夫欲著論

山居夏日

竹樹交陰草暗畦
晝長人靜小簾低
空堂斐几雙賓雀
落日瓜棚五母雞
好鳥不離花左右
閒山分占水東西
年來頗忘將軍宅
久認吾廬未是迷

月下醉歌

明月本在東林閒
不知何時走上天
爲貪盃酒未及顧
失爾去路無由攀
惟見青空似碧海
琉璃萬頃嵌銀盤
咫尺人天不相管
何況世外求神仙
蓬萊瀛洲果何處
秦皇乃葬驪山邊
固知仙骨有時朽
惟爾飛光最長久
西升東沒無窮期
白兔擣藥延爾壽
如何醒眼看世人

不伴玉皇飲天酒宋無忌娥影珠一日奔馳四萬里何
如花閒傾玉壺壺空醉矣還歌呼

乘涼

草樹入岑寂月遲還未來竹風泛螢至清夜方悠哉已
非暑中劇乃復適所懷誦聲何琅琅鐙紅滿高齋未覺
太古遠蕭蕭眠綠苔審體已便足煩營空爾佳

夜起

籬頭老菱中夜鳴淅淅颯颯如人行開門風過月照地
竹根草脚皆蟲聲菊花未睡解畱客白衣黃帽相逢迎
人生千歲要有死百年況是風中鐙須與清境偶然得

眾人入夢誰當爭蘇張恍惚在人世但看藻荇仍縱橫
朗宵風景縱有此知否山人呼得醒

刷池

池割屋下田水從檐上來中有白蓮花憑空起瑤臺相
看過一夏秋來更爭開未便就衰歇此花真吾儕池畔
列稚柳冗密蛛絲排瓜藤雜蒿蔚亦復藏蛇蠅蓮心雖
不言未免嫌汙萊爲費半日力細與親刊裁忽然滿眼
光鮮淨不可措乃知清貴品故以刪刷佳上有兩弓地
年年種蔬鮭欲著小茆亭於此懸詩牌襯點好意境得
閒卽構哉天意似慙厖宅西出古梅久歲沒荆棘牧童

告我纔擬俟放花時移向池邊栽又蓄數盆蘭安置頗
未諧待我亭成時同來伴樽罍山人素了了此意豈復
駭小住便佳耳百年非我懷

溪上水碓成

貧家一舉動終始靡不難區區水碓耳匝月功始完余
豈好多事在昔多所艱赤脚老醜婢嬖姍蠶且頑遣之
事春簸炊或不給焉有時得毋助乃始足一餐無已作
此舉令水爲春人內顧無竹木未免乞比鄰稽遲到茲
日始已事而竣狹巷清且駛白石周四垣回回外板幹
蘇蘇雲子翻傭者相顧喜賀我春百年嗟我佃耕此瘠

确緣溪千年豐不償苦足得十大盆安能盡確力確成
殊養閒苦心願爲此亦覺笑旁觀世事那計盡感慨繫
斯篇

早起

味明更底逼安臥良獨難怕待來年想仍將去日看孤
心時入靜瘦骨早驚寒有福慙諸弟紅窗自睡鼾

巢經巢詩集卷第一

巢經巢詩集卷第二

遵義 鄭珍 子尹

古今詩共五十一首

才兒生去年四月十六少四十日一歲而殤埋

之梔岡麓

巳下庚寅

木皮五片付山根左袒三號愴暮雲昨朝此刻懷中物
回首黃泥斗大墳

晚興

寫畢黃庭冊歸從道士家晚風亭子上閒看白蓮花

垚灣夏暝

窗光落晚翠庭氣靄涼陰靜數門前樹歸來沙際禽世
塗殊冷暖人事信升沉清淨西林月明明照此心

酷暑黎柏容

兆勛

丙兄齋中

赤丸黏天不可落發興欲墮扶桑閒平頭奴子扇大扇
下視海水波如山自曉至暮去不得垂頤喘氣筋骨孱
聖卧不成慚作病心之煩亂何由剛柏容健者能說鬼
落筆娛笑含譏訕伏枕張日嬾動起細聽吟美追癡頑
轉恨人生讓若輩帶蘿被荔從狸斑委去拘拘此形蛻
雖有寒暑誰能患蟬聲停樹蠅在壁仰瞻雨意愁天慳
嗚死書生一芥耳嗟哉禾黍關痛癢

醉歸

酒壯夜行膽長歌聲繞林入竹聞犬吠遙看鐙影深虛
堂聚學子爲說梁父吟古人不可見弃置徒勞心

雨

六月晦前雨瀟瀟鳴稻林能蘇貧者命不是富兒心米
價來朝減天恩此日深莫言歌舞滯點滴勝黃金

晦雨

度牆仍細細津葉暫疎疎昨所潤不到雨餘枯自如涼
聲歡鳥雀落照晚邨墟肯怨行多露度阡還破廬

恨詞二首

屏山橫抱石闌斜，月夜經過阿子家。
小院苔圈鐙影綠，玉人何處倚梅花。

歲暮天寒獨倚樓，千秋亭畔古今愁。
何人欲補情天破，我願從君助石頭。

寒宵

何補飢寒計，槩鉛宵更他窮來。
通世味長去戀時光霜，重夜深白月斜林際黃。
待明堪一卷清漏未渠央。

雪風

雪風刁調吹破籬，吾獨窮困於此時。
天寒擁卷作跏趺，日暮向人賒夕炊。
菜摘蠶豆上中葉，樵分鵲巢高下枝。

窮生百巧卻自笑看爾更計明朝為

與柏容論畫

癡翁造化才天馬不受絳手補乾坤缺山水有全著拙
我何敢望興至時閒作常思有事業而暇謀此樂哲兄
亦多好見彈求鷓雀生平儻得閒消遣殊不惡但聞識
者說此事無死縛須得心目間蒼莽露厓嶠下筆逐所
見兔走兼鶻落意境會其全形似在所略必執譜論求
一錮反難藥君家列高架古墨未蕭索苟能得殘贖已
足自揮霍嗟嗟語徒然吾意殊菲薄勸君寫無逸他時
獻謔誇會有曹將軍貌君凌煙閣不然謝幼輿亦當置

邱壑

五日雨中與同人釣溪上

已下辛卯

心想就澄澹老去方自茲爲樂愛佳節歡塗多所懷來
日豈不給過此情已違亦復惜無因廢時又可哀天與
一日閒重以數子諧霏微息還作榴花紅綴枝入林苦
黏屢縱飲徒沉迷門前即溪上笠釣意亦宜得魚非我
必藉攄山水期雨細容小住甚便收筒回

睡起

一覺依然眠後我百年休憶錯來棋可憐半日模糊過
更補斜陽悔片時

屋漏詩

溪上老屋溪樹尖我來經今年淹上瓦或破或脫落
大縫小隙天可瞻朝光簸榻金瑣碎月色點竈珠圓織
春雨如麻不斲絕爾來正應花泡占始知瓦舍但名耳
轉讓鄰茆堅覆苦漚如海眼瀉通竇滴似銅壺催曉籤
入室入室踏灰路戴笠戴盆穿水簾伊威登礎避昏墊
濕鼠出窟摩鬚蟬塵梭垢濁謝人洗米釜羹湯行自添
西閒書室素完好陳籍扇几供便拈不虞一夕出意外
白蟬溺死埋縹緲咸陽一炬怨秦火似此甯更將人嫌
桑土綢繆悔不早無術得將諸竅闞承以瓶盤桶甕缶

一器巧使二孔兼木皮竹籜亦有用彌縫其闕通之檐
補苴罅漏固窮計塞流挽倒吾何謙妻孥對莫頻願
不荷天慈心更恬齟齬任相責高叟鬼瞰真吾矜
游黔靈山憩雲楠亭

去郭亦不遠及麓方見之每上覺徑窮去塗生轉時偶
然入深處卻顧忘前巖幾年闕初地亭小幽可憩久堊
絕聲響林影澹無際松風迴夕陽蒼然兩峰翠

飲聖泉上

歷筭有時差洞淵窮九容天與設懸壺一勺肇鴻濛盈
虛應晷刻渾蓋相參通大哉造化機奇出無終窮我從

萬山來襟帶含松風獨酌此泉上興酣呼白龍往來五色鯁蕩漾青黛中神魚掉尾出閃映斜陽紅欲濯雙玉跌乃恐搖鮫宮許贄不許究邈然天地空

貴陽秋感二首

回首天南萬箐開童山曠壤有遺材橡蠶不自烏江渡
齒齷仍從益部來在遠游民便聚嘯安邊長策重耕栽
時平不假書生計喟古憑今足費才

無多形勝感興亾萬里秋陰接點蒼石火年華催老大
海天愁思易悲涼談經舊掃陽明席問字誰登叔重堂
野色江光連鬢影武鄉祠外倚斜陽

春山夜誦

已下王辰

漱齒華池萬慮空
賞心遙夜七寮同
山香如海花齊發
天淨無塵月正中
虛僻亭亭深入露
涼鐙燄燄不生風
年來漸省簞瓢事
絳帳笙歌笑馬融

甕盡

日出起披衣
山妻前致辭
甕餘二升米
不足供晨炊
仰天一大笑
能盜今亦遲
儘以餘者爨
用塞八口飢
吾爾可不食
徐徐再商之
或有大螺降
虛甕時時窺

阿耶晬日作

貧人養兒女
其苦安可言
計日喜存活
及歲能無歡
我

非無大男天不與我予踰年幸舉汝吾道方艱難萬卷
不能炊一錢丐人艱汝願生健食飢啼可勝憐論升買
市米歸已亭午閒待飽化爲乳乃及供汝餐常恐力難
活盟喚行周年身中百衲衣五色花斑斑頭上紅錦帽
金錢龍鳳盤涎衣被頸下文抱當胸前吾貧那辦此見
汝從母賢俗情重晬日烹羊宰肥豚招要聚三族喜氣
令冬溫吾此爲單家力又難羶葷亦復潔疏食爲兒薦
蘋蘩祝畢抱汝拜忍涕爲笑顏我族食遵義八葉當吾
身維昔別子公鋒冠劉縱軍播平不與賞屯耕水煙田
謀力著新站氣欲無奢安鷹鳩起旁掣郡卒賴以全定

國與捍患飲井俱忘源

珍七世祖諡顯公吉水人剛萬歷庚子以劉綎部將從平播綎

班師被論回衛留部曲領舊帶兵萬餘於遵義仁懷敘

南馬湖等處耕種防守公因駐屯水煙在郡西六十里

見墓記及綎上兵部揭子迨崇禎辛巳王忠烈公佐聖

來宰遵以公宿將問扼水關皖者公爲畫築新站城與

王公往來巡視邊備悉舉明年府道緩郭吳之獄致逆

酋入寇城破王公死之公率十里土司搗賊營分兵新

站絕賊歸路盡殲之郡以安全見王公殉難錄

一卷書今惟吾家存將復高祖德未必非蕩遷想見靈

之來喜添一代孫子孫不易為撫首增浩歎汝毋羅百

具試兒心向先鱗列圖與書錯以聿與研古印大如斗

中央獅伏跽寸幅我新畫上有米家山抱持不可律爬

按隨掀翻乃左持古籀右手持天元大笈真吾子此意

甯非天我年十七八逸氣摩空蟠讀書掃俗說下筆如
奔川謂當立通籍一快所欲宣狂謀百不遂親老家益
貧頭顱近三十心平無波瀾窮達知有命浪走無乃顛
觀海難爲水一截思專門幾年費心血略識書數原父
菑子肯穫夫豈不願然卽今盛平世經術招儒冠立成
具推步不用咄與蕃兩闕禁篆體隸楷須同文兒亦焉
用此來踵阿爺跟六經麗日月義若東溟寬取汲任其
才收效無鈍頑小用爲帖括命來卽稱官騰身九霄上
袍笏光且鮮一生免長餓親戚分唾殘世間富貴人得
力文幾篇兒其速長大破樓思著鞭與作鼠銜薑甯爲

麥爭秬

秬有麥爭場最早熟而利倍見羣芳譜

飯麥

北人食主麥南人食主稻平時作餅餌快啖爭且譟飯之乃愧貧好惡殊顛倒入夏米難乞市糶踊復暴焦麥餘兩甕八口朝夕靠初嘗賴羹澆再進乃深好法須甬皮精味勝粗米糲齧若蚤蝨碎咽順藜莧導撐腸不易飢朝食晚可到固知吾輩腹何物不堪犒女子乃驚詫逢人卽相告

夜歸

晚涼動歸興溪路無塵氛倚杖見明月回頭看白雲不

逢魯中叟山水徒清芬迢遞竹西去閉門何所聞

涼夜

冉冉香傳小樹花閒庭風露浩無涯
斲鐙兒誤求爺乳
歎食妻疏到母家
深夜能陪敕賜醜
荒山暗老石經父
松頭月上難禁渴
汲水親烹沒葉茶

晚望

向晚古原上悠然太古春
碧雲收去鳥翠稻出行人
水色秋前靜山容雨後新
獨憐溪左右十室九家貧

玉蜀黍歌

瀕湖能知蜀黍卽木稷不識玉黍乃是古來之木禾我

生南方世農圃能究原委如星羅此穀從何來遠在稷
播以前藝岷嶓昆侖山高一萬一千里五尋之穀脩峩
峩靈井灌根地力厚自然能沒九橐駝鸞鳳戴盾日植
啄文樹聖木連枝柯開明獸北接六詔此穀遠映西洱
波神禹所見益所記西經具在言豈訛滇黔舊是海內
西南陬土宜千古無殊科秭今彌望滿山谷長稍巨幹
平坡陀猴猿夜盜嘯儔侶烏鵲晝衙防網罔一莖數苞
略同蘗粟亦無皮差類稞稷筍脫縑魚弩目鮫胎出骨
蜂露窠落釜登盤即充腹不煩碓磨箕筴籬有時兒女
據觚叫雪花如指旋沙爾憶昔周穆賓王母八駿遠從

西極過爾時此穀定入尙方餽不然亦拂芝蓋摩鷲和我讀竹書又知更名爲荅藎其時見之黑水阿黑水今在雲南中益見我言非炙輞上古地廣穀類亦多種天降地出知幾何職方五種載周官較之堯稱百穀已無多木禾自是梁益產遠與菡醬驚黃幡周公歌幽道方物體從刊落非刻苛爾雅半成秦漢人道里隔絕安知他自通夜郎略邛夔伏豬名乃傳清河景純博物昧形狀目所未見難盡訶亦如九穀中有梁與苾南人未聞名者徒摩挲滇黔山多不徧稻此豐民樂否卽瘡爾來樽繭盛溱播程鄉帛製傳牂牁織人夜食就省便買此

貴於秔米嗟民天國利俱在此無人攷論理則那他年
南方誰作木禾譜請補稻舍舊狀歌此歌

柏容種菊盛開招賞

君之種菊用何法幾日化爲瓊珞雲能令我來墮花下
意靜不起一點塵當窗幾枝更佳絕布置妙與嬾意親
天寒薄袖不煩出隱几自足娛宵晨昌黎歎晚何用好
此老屈強老不馴君看神氣淡如此不知有秋何論春
卻恨與梅不相見異時獨立長悲辛回頭一笑百感失
梅花突出蒼江濱金支鐵幹各心照其識百鍊冰霜身
又怪梅花底入室乃是坡老筆奪真坡老畫梅寄真氣

菊中豈無淵明魂花香墨影混濛際想見二老同清尊
評詩要到清淨境綺語不許汗秋痕卷舌甯令被花惱
無使兩公生笑噴

捕豺行

君不見三四年間豺勢橫厭食豚犬遂食人東邨埋兒
歟肩髀西求唐子還葬魂綠箐黃茅去人遠過者十百
須及羣遠道之人不問俗往往力盡爲所吞烏江東更
駭聽聞爭子母手食且奔兒啼直與骨肉盡草剩一條
生血痕時或置幼舉室逐歸來幼子仍無身言之酸鼻
不忍說使我髡鬢胸輪困以人殺人罪且死卽盡族此

償甯均上世冥翹十二氏掌除民害搜殛榛靈鼓炮石
喪猛怪日弓月矢殲妖昏凡害於民物無細戮及蠅鼠
非傷恩聖人吉凶與同患蹄跡肯容中國存捕蝗殺虎
載金布此害况酷蝗虎倫去灾捍患竟誰事責固在官
不在民令眾若從追胥法一邨人足攻一邨大索三日
定誅盡雖有十翼無逃門百蟲將軍縱靈武人力不助
邨由神傷心邨農日賽禱兒女不足增雞豕去年賂請
獵南里歸兵獻獲皆米銀人豺夜行如植麟盜被豺植
行雖見不
敢出戶

官豺晝聚稱上賓

邑兵以次
主民家

邑中豺伯縱豺食羣

豺飽卧東城闔

郡城內近
亦多豺

民命若彼官若此豺爾何幸

遭此君方今獷獸頗亂狃斬絕種類須良臣江華新收
西原賊南越未返樓船軍書生手無斬馬劍高冠櫛具
徒吟呻三尺枯柴堊無術夜指天狼心若焚安得爾輩
野性馴一化麟鳳之至仁

題莫邵亭

友芝

藏文衡山西湖圖

已下癸巳

山如佛頭青水如僧眼明軟槩畫船爭弄晴三竺樓臺
影東海六橋花柳通南屏昌丰士女隄上行太平莊構
百態精西湖正恐不到此圖就可勝槩竊情待詔作此
時八十又過二圖嘉靖辛亥所作老眼雙瑩與人異樹頭尙著
鼠尾皴緩范迂倪遜工緻卷尾新詩復親蹟展向窗晴

三絕備三百年來人代殊蠶絲煙篆墨未枯當時畫裏
寄書舫俱養難忘西子姝袖歸直作按閒物公眞力大
同歐蘇豈知玻璃三十里異時流入天南隅錦暉繡槭
出前守

圖出自前遵義
守蘇雨蒼家

整潔未經寒具汗我聞世閒所

藏明聖湖欽山十冊千載無暗門古墨久蕭瑟何人更

睹爭標圖石翁寫盡湖上山至今散在東西都孤山卷

子好雄逸舊觀記與江門俱

曾在蔡江門墓下
觀石翁孤山橫卷

停雲館

主又入石翁室北董南邢俱不如二丈之軸落吾眼寶

貴那數千船珠吾徒目不辨官庫天遣屏當書畫厨遺

縑付與不無意捲還爾卷掀髯莫五莫五保有斯湖

借爾力不獨立馬吳山一饑賊

五月一日祀唐孫華原先生

國醫不可見慨然念倉扁區區乞靈心非笑詎求免惟
我祿命薄能養愧馬犬米鹽碎而艱累母日非淺勞辱
固天性匪貧甯盡願生兒不得力精血就衰殄去年右
臂枯牀蓐哀轉輾今年左復爾筋骨痛如刺仰天呼以
泣無術効含吮惟此孫夫子仁思動繼綫金方出叶卜
世目不能闡未達良取譏但覺體因善誓毋百歲後始
廢公一獻丹楮照菲屋精意薦洗腆長筵聖二老甘味
分寸齎各餒先生餘當服丹九轉

留湘佩內妹

欲歸何事真無說
飲過昌蒲不汝留
筭待明年方見汝
明年又識果來不

山中雜詩四首

綠樹成陰盡手栽
量枝數葉日徘徊
夜深屢下風婆拜
爲有護花一朶開

萬事無心早閉關
慈雲依映嬾雲閒
夢中悔送朝暉過
守著斜陽尙滿山

絕憐烏子無朝暮
飛去飛來桂樹閒
不似羣鴉止貪飽
直須日落始知還

經旬積雨雞不鳴路斲何人裹飯行惟有瑤琴伴桑戶
鼓來猶是舊時聲

上屋左山頂

攜子攀援偶臨虛眺望通遠山陰見日高樹靜聞風玉
黍連邨熟金秔壓陌同兒乎知飽飯可不叫門東

山居夏晚

巳下甲午

雨散暮天青餘光照遠汀草堂朝蝙蝠瓜架織蜻蜓晚
飯依花聚林風入酒醒閒情更無暇兒女上池亭

午起

瑟瑟青瑤簟蕭蕭白石盦何因能再夢佳味久回甘雨

過蟬鳴急池生鴨浴貪物情共清暇無語對遙嵐

庭樹

昔余種樹時意使蔽庭日蔭成繞櫓戶乃覺似居室隨
時各含花無心復結實夜涼壁上影靜其人抱膝雖辭
晝閒日永凝初上月人事甯可兼此得彼亦失宵然發
澗心陰陰亂蟲啣

書唐敬亭

惟安

先生指畫鷹

窮巖颯颯生迴風角鷹乃據高堂中側睛下視幾萬丈
殺氣所透天爲空眼前狐狸伏蒿蓬我無快劍搜其蒙
玉爪金眸亦聖視嗟爾奇才空自雄

檢外祖黎靜圃

安理

府君文稿感成

八股行海內於今五百祀子弟爲學問富貴當券紙是
於古制作未便克均峙自有歸唐興揚馬不敢恥下迄
崇禎未能輩遞礮砥小技誠未尊大醇亦無幾元氣入
我朝鍾陵實巨指韓張有天授藝聖忘排比繼起百
年閒亦莫不深柢後生貪巧捷轉販競相市盜笛吹宮
商截朽飾丹紫玉尺亦已亾各以意憎喜古云經大義
毋乃不若是惟昔外王父孝友發屯否多能出少賤此
事特深至出入對偶法鈎提古先髓食時可百篇占授
嬾自紀平生多閱歷曾不挂脣齒文亦殺鋒稜百鍊化

繞指老手林汲翁見之歎無已謂是有根本更無熾可抵祿位惜不償老飲抑泉水呼毋來從居日已歸故梓

公以鄉舉令長山四載告歸嘉慶己卯珍始自天旺依公斤竹溪上公年已六十九矣

七十老孟

公處置到雞豕三日一來過瑣瑣身料理此義今則無死或不相視固知有言者天性厚如此當時我童幼頑狀頑難似先生撫而笑孺子盍楚捶耕稼儻有人學成儘堪俟此後執經來請業吾語爾朽質不易鑄而公行病矣陽厥見俠癭繞頸若珠纍無知尙肆姐持冊前問字先生不揮去曰居待吾起力疾爲指說聲轟所憑几想見仁人心何嘗知有死回首十六年面命猶在耳兒

長業日荒欲言自先蔥司馬有遺文傳布竟誰事臨風
一撫額高山悵予跂既以負先生又以負母氏所欲非
得爲永慚盧東里

過海龍岡

岡上風雲繞夜郎異時龍鳳此荒唐王師八道從天下
鎮服千年掃地亾蒙業若教思粲价世州何遽後岑黃
匆匆立馬空畱望斲澗荒厓盡夕陽

寄遠

美人夜起梅花底身載梅花渡江水四天尋徧不相聞
遙認寒鐙九萬里柔腸牽引不禁愁暗有銅仙涕淚流

多情賴得徒相憶若便相逢盡白頭

至息烽喜得大雨

濕雲掩過龍場城日脚照見雨似繩山腰婦女荷鋤下
歸牛返豕紛縱橫我行亦覺兩脰速打笠已聽千杖鏗
街中大小齊拍手雨喧人贊同匄匄向來定廣二州米
仰食北至烏江亭去年無禾亦無麥轉販遠取遵義秔
山農力苦待秋實望望禾黍就槁莖百錢不買一升米
路奪市攘成亂萌近聞守土力和糶義倉春盡開常平
古來和暫不和久貴粟原自非民情官藏未敵民萬一
官竭可禁民踊騰十日不雨即不濟至患豈獨愁書生

皇天一澤甚容易比戶勝貽金滿籩已見瓜蔬長鄰圃
可卜良苗秋壓塍前途田水定溢路泱泱市渠中夜鳴
月涼蚊靜足甘寢旅宿不寐看殘鐙

六月二十晨雨大降

望雨終宵三四起雨來侵曉卻安眠已知比戶皆回命
暗悔前朝易怨天官糶雖輕無此飽帝心稍轉即豐年
翻悲昨見橫渠瘠不緩須臾死道邊

出威清門繞城而西邨景可愛

郭外自然好不謂過所懷久與邨野別頓覺耳目開岡
巒有登陟渠沼亦縈回荷芰夾田徑瓜壺葢菲柴清風

偶然度綠影不可措久行不逢人俯仰興轉佳白雲澹
晴色草樹陰徐來念我巢中居延企西城隈

雪厓洞

秋風吹衣巾飄然墮邱壑溪流洞門白雲樹頭落昔
聞回道入於此駐黃鶴日暮待不來含情下高閣

招張子佩

琚

世儒談六經孔子手刪正安知口所讀皆屬康成定念
昔諸大師翊躬守殘賸微公集厥成吾道何由徑眾流
滙北海乃洗秦灰淨師法千年來儒者各涵泳未聞道
學名自見忠孝競程朱應運生力能剖其孕格致豈冥

悟祖周寶郊鄭俗士不讀書取便談性命開卷不識字
何緣見孔孟頹波及前明儒號多佛性季世略稽古小
悟非大醒絕學興 皇朝談經一何盛顧閻實開宗醇
博亦莫更後起復宏暢賈孔妒且敬近來經韻翁照古
有全鏡帝遣明六書羣碩莫敢諍更得盧王輩精識邈
乎夙願惟十數公爛誦不計乘其於漢前籍字字經鞠
證精能固殊尤細心亦天性直聳高密堂上與日月併
我無能為役自覺此身剩思傷先人牆操戈助攻并諸
老啟旌門後至許同盟逝將及今去神血幾何凝眷言
念我友短小悍而橫招君執桴來助我鼓聲勁無爲百

年內齷齪守貧病

霜曉過禹門寺

溪上寒生骨行行手自磨萍紅知鴨路水暗認魚窠石
磴蒼苔古山門落葉多未應禪宿盡鐘梵共蹉跎

無事到郡遊三日二首

入城恥人見入店愁主惱朝飯熟未興夜鏡續還曉默
默但遊寢與語殊不了客似無一識來者盡頭掉勸客
衣而冠何家不堪造渠門多貴人無我未爲少我亦未
用彼敬謝不相黷

莫五似裴迪邈然清妙機喜讀不急書堆按亂不齊興

來卽相過談諧無町畦清聖或終朝不避子與妻黃花
長於人色勝金畱犁告我春種時親送斤竹溪大笑此
言信勞君十甕齋我言亦妄耳子試妄聽奚

巢經巢詩集卷第二